

# Salmo 129

De profundis clamavi ad te, Domine;  
Domine, exaudi vocem meam.

Fiant aures tuæ intendentes  
in vocem deprecationis meæ.

Si iniquitates observaveris, Domine,  
Domine, quis sustinebit?

Quia apud te propitiatio est  
et propter legem tuam sustinui te, Domine.

Sustinuit anima mea in verbo ejus,  
speravit anima mea in Domino.

A custodia matutina usque ad noctem,  
speret Israël in Domino,

quia apud Dominum misericordia,  
et copiosa apud eum redemptio.

Et ipse redimet Israël ex omnibus iniquitatibus ejus.